

Hans von Königsegg, Ulrich von Ramschwag und andere Bürger aus Feldkirch bekennen, dass sie als Räte und Vertreter Maximilians I. die Vereinigung mit verschiedenen Bevollmächtigten des Gotteshausbundes und Zehngerichtenbundes beschlossen haben.

Or.: TLA, U Parteibriefe, Nr. 2518 – Pap. – Siegel fehlt.

Regest: LUB II. digital (ka) n. LLA, Regestsammlung betr. Liechtenstein, TLA, Bd. 9a, S. 1128f.; Jecklin, Materialien: Regesten Nr. 298, S. 63.

Druck: Eidg. Absch. Bd. 3, Abt. 2, Nr. x (a-z), S. 1285-1289?

^{a)}Wir nachgemelten Hanns von Künigseck¹, ritter, vogt zu Vêltkirch², Vlrich von Ramswäg³, ritter, vogt zu Güttenberg⁴, | Johans Götzn⁵, doctor, vnd Jacob Wittenbach⁶, burger zu Vêltkirch, bekennen vnd thünd künd mit dem | brieff, das wir als rât vnd machtboten Rômischer kiniglicher maiestât⁷ inhalt vnnsers verschriben | vnd besigelten küniglichen gewalts, den edeln, erwürdigen, vesten vnd wysen Cünradinen von Marmels⁸ | zû Rotzüns⁹, dertzit bischofflicher statthalter an dem bischofflichen hoff zû Chur¹⁰, Cünratten von Marmels¹¹, | thumbtechan, an stat gemains cappittels daselbs, Josen vom Rin¹², burgermaister zu Chur, Jacoben Provosten¹³ | von Pregell¹⁴, Hannsen von Marmels¹⁵, vogt zû Fürstnaw¹⁶, Adamann von Juffalt¹⁷, aman zû Zutz¹⁸, Chünrat | Planntten¹⁹, hauptmann vff Fürstenburg²⁰, Hanns Hiltpranden²¹ von Schlanders²², dertzit gotzhus richtter, | vnnder Schgälen, Nut Lang²³, ammann zum Tüffencastel²⁴, Claus Zültten²⁵ von Pargün²⁶ vnd Hannsen Tungin²⁷ | von Zützers²⁸, als machtboten des Ainen Pünths²⁹ von dem gotzhus Chur, vnd Clausen Belin³⁰, vogt zû Bellfort³¹ | dertzit lanndammann vff Taffäs³², Vlrichen Visseln³³, dertzit richter zû Malans³⁴ vnd Hainrichen Roffner³⁵ von Castels | als machtboten, des Anndern Pünths von den Zehen Gerichten, die löblich, erlich, gnedig vnd vnndertänig | verainigung vnd verstenntnüs, so wir anstat küniglicher maiestât ains vnd der gemelten macht- | botten, herren vnd öbern annder tails, zû vorgehalten tagen miteinander baidersyt, lut der cappittel darumb | vergriffen, abgeredt vff disen hüttigen tag von wegen küniglicher maiestat zûgesagt, mit inen gantz | beschlossen, vnd by vnnsern trewen versprochen haben, das küniglich maiestat inhalt der copya | derhalb gestellt, vnd von vnns baiden tailn gegeneinander versigelt vbergeben, hiezwüsch vnd dem | nûwen jartag nechst kompt, in mittler zit, hauptbrieff vnd sigel darumb vffrichten vnd geben, sondern | ouch der verainung hinfür geleben vnd getrewlich nachkomen sol, on alle geuerd. Vnd hierinne | ist ainen bischoff vnd dem cappittel zû Chur, ir gaistlichhait, vnd ouch die spenn vnd stoüss, so vff | den bischoff von Augspurg³⁶ kommen vnd vertadingt sint, vorbehalten vnd vffgesetzt, vnd des zû | vrkund haben wir den obgenannten machtboten disen brieff mit vnnsrer Hannsen von Künigsecks | vnd Vlrichen von Ramschwags, baid ritter, aigen angehenngkten insigeln von vnnsrer aller wegen besigelt | geben, doch vnns in ander weg on schaden vff sannt Symon vns sannt Judas derhailigen zwölffbotten | aubent, als man zalt nach gerpürt Cristi fünffzehnhundert jâr.

^{a)} *Initiale „W“: xx cm.*

¹ Hans v. Königsegg-Vogt, (1490)-1515. – ² Feldkirch, Vorarlberg (A). – ³ Ulrich v. Ramschwag, Vogt, 1435-†1518. – ⁴ Gutenberg, Gem. Balzers (FL). – ⁵ Johannes Götzner. – ⁶ Jakob Wittenbach, Hubmeister, 1484-1500. – ⁷ Maximilian I., König, Kaiser, *1459-†1519. – ⁸ Conradin v. Marmels, *1448-†1518. – ⁹ Rhäzüns, Gem. u. Kr. GR (CH). – ¹⁰ Chur, GR (CH). – ¹¹ Konrad v. Marmels, *1436-1507. – ¹² Jos vom Rin. – ¹³ Jakob Prevost (Provost). – ¹⁴ Bergell, Tal GR (CH). – ¹⁵ Hans v. Marmels. – ¹⁶ Fürstenau, Kr. Domleschg GR (CH). – ¹⁷ Adam v. Juvalt. – ¹⁸ Zuoz, Gem. GR (CH). – ¹⁹ Konrat Planta (Plannt). – ²⁰ Fürstenburg, Burg in Südtirol (I). – ²¹ Hans Hildebrand. – ²² Schlanders, Gem. im Vinschgau (I). – ²³ Nut Lang (Long). – ²⁴ Tiefenkaasel, Kr. Alvaschein GR (CH). – ²⁵ Claus Züllt. – ²⁶ Bergün (Bravuogn), Gem. GR (CH). – ²⁷ Hans Tugin. – ²⁸ Zizers, Kr. V Dörfer GR (CH). – ²⁹ Drei Bünde, Freistaat Kanton GR (CH). – ³⁰ Claus Beeli (Belin). – ³¹ Belfort, Gem. Brienz, Kr. Belfort GR (CH). – ³² Davos, Gem. u. Kr. GR (CH). – ³³ Ulrich Fisel (Visseln). – ³⁴ Malans, Kr. Maienfeld GR (CH). – ³⁵ Heinrich Roffner. – ³⁶ Augsburg, Stadt Bayern (D).